

廣博物志卷之四

隴西董斯張纂

故鄣丁元薦訂

時序

總歲時

春

夏

秋

冬

曆附

伏羲列八節神農立四時

六帖

神農始別五木以改火軒轅始書雲物成湯始

作土龍巫咸始制驅儼周公始制立春土牛上

巳流觴齊景公始爲登高及兢渡

物原

伏羲初置元日神農初置臘節軒轅初置二社

巫咸始置除夕節周公始置上巳秦德公初置
伏日晉平公始置中秋齊景公始置重陽端午
楚懷王初置七夕秦始皇初置寒食漢武帝始
置三元東方朔初置人日上

黃帝立子午十二辰以名月又以十二名獸屬

之事始

太歲在甲曰闕逢

史作馬逢

在乙曰旃蒙

史作端蒙

在

丙曰柔兆

史作游兆

在丁曰疆圉

史作疆梧

在戊曰著

雍

史作徒維

在巳曰屠維

史作祝犁

在庚曰上章

史作商橫

在

子曰重光

史作昭陽

在壬曰玄默

史作橫艾

在癸曰昭陽

史作尚章

太歲在寅曰攝提格在卯曰單闕在辰曰

執徐在巳曰大荒落在午曰敦牂在未曰協洽

在申曰涒灘在酉曰作噩在戌曰閹茂

史作奄淮南作

掩在亥曰大淵獻在子曰困敦在丑曰赤奮若

月在甲曰畢在乙曰橘在丙曰脩在丁曰圉在

戊曰厲在巳曰則在庚曰奎在辛曰塞在壬曰

終在癸曰極正月爲陬二月爲如三月爲窮四

月爲余五月爲嘗六月爲且七月爲相八月爲壯

九月為玄十月為陽十一月為辜十二月為涂

爾雅

正月二月天氣始方地氣始發人氣在肝三月

四月天氣正方地氣定發人氣在脾五月六月

天氣盛地氣高人氣在頭七月八月陰氣始殺

人氣在肺九月十月陰氣始冰地氣始閉人氣

在心十一月十二月冰復地氣合人氣在腎

素問

馮相氏

馮采也相視也言登高臺以視天文也

掌十有二歲十有

二月十有二辰

謂日月所會也子曰玄枵亥曰陬訾戌曰降婁酉曰大梁申曰

壽星卯曰大火寅曰析木丑曰星紀十日二

十有八星之位

東方角亢氏房心尾箕南方井鬼柳星張翼轸西方奎婁胃昂

畢觜參北方斗牛女虛危室壁

其叙事

東作南訛西成朔易

以會天位

星鳥

以正仲春星火以正仲夏星虛以正仲秋星昂以正仲冬

冬夏致日

冬至日在牽牛

景丈三尺夏至日在東井景尺五寸

春秋致月

春分日在婁而月上弦於東井下弦

於牽牛秋分月在角而月上弦於牽牛下弦於東井

以辨四時之叙

二分

正則四時之叙可辨矣

王命

王言之出為命內史載而書之

遂貳之

又書副本

而藏之以待有所攷也

○周禮

春三月此謂發陳天地俱生萬物以榮夜臥早

起廣步於庭破髮緩形以使志生生而勿殺予

而勿奪賞而勿罰此春氣之應養生之道也逆之則傷肝夏三月此謂蕃秀天地氣交萬物華實夜臥早起無鳳於日使志無怒使華英成秀使氣得泄若所愛在外此夏氣之應養長之道也逆之則傷心秋三月此謂容平天氣以急地氣以明蚤臥蚤起與鷄俱興使志安寧以緩秋刑收斂神氣使秋氣平無外其志使肺氣清此秋氣之應養收之道也逆之則傷肺冬三月此謂閉藏水冰地圻無擾乎陽蚤臥晚起必待日

光使志若伏若匿若有私意若已有得去寒就
溫無泄皮膚使氣亟奪此冬氣之應養藏之道
也逆之則傷賢素問

正月啟蟄言始發蟄也雁北鄉先言雁而後言
鄉者何也見雁而後數其鄉也鄉者何也鄉其
居也雁以北方爲居何以謂之爲居生且長焉
爾九月遘鴻雁先言遘而後言鴻雁何也見遘
而後數之則鴻雁也何不謂南鄉也曰非其居
也故不謂南鄉記鴻雁之遘也如不記其鄉何

也曰鴻不必當小正之遘者也雉震响震也者
鳴也响也者鼓其翼也正月必雷雷不必聞惟
雉爲必聞之何以謂之雷則雉震响相識以雷
魚陟負冰陟升也負冰云者言解蟄也農緯厥
耒緯束也束其耒云爾者用是見君之亦有耒
也初歲祭耒始用暢也其用初云爾暢也者終
歲之用祭也言是月之始用之也初者始也或
曰祭韭也圃有韭圃也園之燕者也時有俊風
俊者大也大風南風也何大於南風也曰合冰

必於南風解冰必於南風生必於南風収必於南風故大之也寒曰滌凍塗滌也者變也變而煖也凍塗者凍下而澤上多也田鼠出田鼠者噉鼠也記時也農率均田率者循也均田者始除田也言農夫急除田也獺祭魚其必與之獻何也田非其類也祭也者得多也善其祭而後食之十月豺祭獸謂之祭獺祭魚謂之獻何也豺祭其類獺祭非其類故謂之獻大之也鷹則爲鳩鷹也者其殺之時也鳩也者非其殺之時

也善變而之仁也故其言之也曰則盡其辭也
鳩爲鷹變而之不仁也故不盡其辭也農及雪
澤言雪澤之無高下也初服于公田古有公田
焉者古言先服公田而後服其田也采芸爲廟
采也鞠則見鞠者何也星名也鞠則見者歲再
見爾初昏參中蓋記時也云斗柄縣在下言斗
柄者所以著參之中也柳梯梯也者發乎也梅
杏棗桃則華棗桃山桃也緹縞也者莎隨也緹
也者其實也先言緹而後言縞者何也緹先見

者也何以謂之小正以著名也鷄桴粥粥也者
相粥之時也或曰桴嫗伏也粥養也二月往耬
黍禪禪單也初俊羔助厥母粥俊也者大也粥
也者養也言大羔能食草木而不食其母也羊
羔非其子而後養之善養而記之也或曰憂有
煮祭祭也者用羔是時也不足喜樂喜羔之爲
生也而記之與羊牛腹時也綏多女士綏安也
冠子取婦之時也丁亥萬用人學丁亥者吉日
也萬也者干戚舞也入學也者大學也謂今時

大舍采也祭鮪祭不必記記鮪何也鮪之至有時美物也鮪者魚之先至者也而其至有時謹記其時榮黃菜色菜繁田胡繁田胡者繁母也繁萬勃也皆豆實也故記之昆小虫抵蜺昆者衆也田蒐螺也者動也小虫動也其先言動而後言虫者何也萬物是動而後著括猶推也蜺螳卵也爲祭醢也取之則必推之推之必不取取必推而不言取來降燕乃睇燕乙也降者下也言來者何也莫能見其始出也故曰來降言

乃睇何也睇者眄也眄者視可爲室者也百鳥
皆曰巢窠穴取與之室何也摻泥而就家人入
內也剝鱣以爲鼓也有鳴倉庚倉庚者商庚也
商庚者長股也榮芸時有見梯始收有見梯而
後始收是小正序也小正之序時也皆若是也
梯者所爲豆實三月參則伏伏者非忘之辭也
星無時而不見我有不見之時故曰伏云攝桑
桑攝而記之急桑也委委一作姜楊楊則華而後記
之犂羊羊有相還之時其類犂犂然記變爾或

曰犂羝也穀則鳴穀天螻也頒冰頒冰者分冰以授大夫也采識識草也姿子始蠶先妾而後子何也曰事有漸也言自卑事者始執養宮事執操也養長也祈麥實麥實者五穀之先見者故急祈而記之也越有小旱越于也記是時恒有小旱田鼠化爲鴛鴦鶴也變而之善故盡其辭也鴛爲鼠變而之不善故不盡其辭也拂桐芭拂也者拂也桐芭之時也或曰言桐芭始生貌拂拂然也鳴鳩言始相命也先鳴而後鳩何

也鳩者鳴而後知其鳩也四月昴則見初昏南
門正南門者星也歲再見壹正蓋大正所取法
也鳩扎扎者寧縣也鳴而後知之故先鳴而後
扎囿有見杏囿者山之燕者也鳴蜮蜮也者或
曰屈造之屬也玉蓂莢取荼荼也者以爲君薦
將也莠幽越有大旱記時爾執陟攻駒執也者
始執駒也執駒也者離之去母也執而升之君
也攻駒也者教之服車數舍之也五月參則見
參也者牧星也故盡其辭也浮游有殷殷衆也